



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 24. S. Sabæ Ordinatio.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum V. S. Euthymio defuncto, videns pristinum illius Monasterii rigorem remisisse, in Desertum ad Orientem recessit, ubi gravissima cum Dæmone subiit certamina, semper Victor. Elapso quadriennio cœlitus ei revelatur, Sedem ipsi in Caverna torrentis Cedron esse figendam. Id contigit tempore illo, quo Martyrius Anastasio Patriarchæ Jerosolymitano successit, & Zeno Imperator Basilisco e vivis sublato Regnum repetiit, seu anno 478. S. Sabas initio annos quinque in illa caverna solus fuit; tum vero multi ad eum confluxere Discipuli. Itaque annos natus quadraginta quinque, cœpit animarum curam gerere, omnesque, qui ad eum veniebant, suscipere. Brevi congregata est familia virorum septuaginta, quorum aliqui novorum Monasteriorum Fundatores extiterunt. In medio Torrentis exiguum Oratorium, & Altare consecratum extruxit, & si Presbyter ad eum divertisset, rogabat, ut Sanctum ibi offerret Sacrificium. Tanta quippe erat viri sancti humilitas, ut ipse ordinari non sustineret.

§. XXIV.

S. Sabæ Ordinatio.

n. 19. Cum S. Sabæ Discipulorum numerus
p. 145. usque ad centum quinquaginta excrevisset, quidam falsi Fratres ipsius Regimini

gimini se subducere cupientes Jerosoly-
mam ad Patriarcham Salustium, qui Mar-
tyrio successerat, se contulerunt, petie-
runtque, ut sibi Abbatem daret. Quæ-
sivit Patriarcha: *Unde estis?* responde-
runt: *in Torrente deserto habitamus.*
Rursusque Patriarcha: *qualis est hic Tor-
rens?* ergo instanti Præsuli responde-
runt: *ille est, quem aliqui torrentem Ab-
batis Sabæ appellant.* Patriarcha: *&
Abbas Sabas ubi est?* responderunt: *non
est regendo huic Monasterio idoneus. Vir
rusticus est, & ne quidquam coram te re-
ticeamus: ipse Ordines non suscepit, nec
tulit, ut alii ordinarentur; quomodo er-
go Familiæ virorum centum quinquagin-
ta præesse poterit?* Quiritius Presbyter,
& Custos Crucis, qui loquentibus adsta-
bat, dixit: *An vos Sabam in hunc locum
suscepistis, vel ipse vos suscepit?* respon-
derunt: *ipse nos suscepit; sed postquam
auctus est Monachorum numerus, cum vir
agrestis sit, regere nos non potest.* Patriar-
cha dixit: *Ite, mature, quid postuletis, pen-
sate, & cras redite.* Interea S. Sabam,
quasi aliud acturus, vocari iussit. Voluit
etiam ipsius Accusatores adesse, & ipsis
spectantibus Presbyterum ordinavit.
Tum ad eos conversus dixit: *Ecce Pa-
trem vestrum, & vestræ Lauræ Abbatem,
quem non homines, sed Deus elegit. Fe-
ci, quod mibimetipso prodest, dum Dei E-*

Sæculum V. *lectionem confirmavi.* Tum hos Monachos, S. Sabam, & Presbyterum Quirintium sequi se iussos ad Lauram deduxit, eorumque Ecclesiam dedicavit, quæ exinde Theoctista, id est, a Deo ædificata, dicta est. In Concha erexit Altare, quod, subjectis multis Martyrum Reliquiis, consecravit. Id factum 12. Dec. Indictione XIV. anno primo Regni Anastasii, ætatis S. Sabæ 53. Jesu Christi 491.

Armeni in
Monasterio
S. Sabæ.

Eodem anno cuidam Armeno, nomine Jeremiæ, & duobus Discipulis ejus Petro, & Paulo in Lauram susceptis, S. Sabas parvum Oratorium concessit, addita facultate, ut Diebus Sabbati, & Dominicis Officium Divinum sua lingua peragerent. Cum isti plures sensim Armenos ad se invitassent, exacto decennio S. Sabas eosdem ex parvo Oratorio ad Theoctistam transtulit, ut ibi Officium suum recitarent, adjecto præcepto, ut postquam Evangelium patrio sermone legissent, tempore Oblationis in Ecclesiam Græcorum transirent, & cum ipsis in sanctis Mysteriis communicarent. Id est; primam Missæ partem, quæ ad instructionem est, separatim celebrabant, & ad Sacrificium conjungebantur. (*) Quia etiam ex illis Armenis non nulli Trisagion cantabant cum Additione Petri Ful-

(*) Hæc Protestans omisit.

Fulonis: *Crucifixus pro nobis*; S. Sabas ^{Sæculum V.}
 jussit, ut illud Græcis verbis secundum ^{A.C. 491.}
 antiquam Ecclesiæ Traditionem sine Addi-
 tione cantarent. ^{p. 165.}

Exinde duobus annis elapsis S. Sabas ^{n. 27.}

Monasterium una Leuca a Laura distans
 extruxit in loco, quod *Castel* dicebatur,
 ferebaturque Dæmonum occursum infesta-
 ri. Illic S. Sabas eos manere jubebat,
 qui in Disciplina Monastica cæteris ma-
 gis profecerant. Novitiis alendis par-
 vum ædificium habebat, jubebatque, esse
 sub cura virorum, qui propriis affectibus
 domitis alios regere valebant, donec
 Psalterium didicissent, & Disciplinae Re-
 gulari adsuevissent. Verum in dispersis
 Lauræ Cellulis manere nemini nisi pro-
 batissimis concedebat. Juvenes in Lau-
 ram suam non suscipiebat, sed eos ad
 Abbatem Theodosium mittebat, qui Mo-
 nasterium sesqui Leuca a Laura ædifica-
 verat, & quocum ei arctissima necessitu-
 do intercedebat. ^{n. 28.}

§. XXV.

S. Theodosius.

Theodosius quoque in Cappadocia na-
 tus erat. Cum juvenis Lector fuis-
 set ordinatus, sacrorum librorum præle-
 ctione permotus, statuit relicta Tellure
 patria in Palæstinam proficisci, illo tem-
 pore quo Concilium Calcedonense cele-
 braba-

Vita S. Th.
ap. Boll. II.
Janu. c. I.